



先秦 — 清末民初

中國野史集成

續編

錢謙題答



中國野史集成·續編編委會
四川大學圖書館

編

巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

2

巴蜀書社·中國·成都

目 錄 (第二冊)

續後漢書	一
西魏書	三二一
南詔野史	四九六
西京雜記	五六〇
海山記	五八三
迷樓記	五八八
開河記	五九一
翰林壁記	五九七
御史臺記	五九九
上庠錄	六〇二
南漢春秋	六〇三
南漢書	七一二
南漢書考異	八〇五
南漢文字略	八九〇
南漢叢錄	九三六

續後漢書

欽定四庫全書 史部四	續後漢書目錄 別史類	卷一	帝紀一	卷二	帝紀二	少帝	欽定四庫全書 續後漢書 目錄	卷三	年表一	建安以來諸侯表	卷四	年表二	章武以來吳魏表	卷五	列傳一
---------------	---------------	----	-----	----	-----	----	----------------------	----	-----	---------	----	-----	---------	----	-----

昭烈甘皇后

昭烈穆吳皇后

昭烈孫夫人

少帝敬哀張皇后

少帝張皇后

少帝李昭儀

甘陵王永

安平悼王理

太子璿

北地王謚

卷六

列傳二

陳登

陳志入魏

袁渙

欽定四庫全書

續後漢書
目錄

邴原

陸績

卷七

列傳三上

諸葛亮

上

卷八

列傳三下

諸葛亮

下
子喬

卷九

列傳四

關羽

張飛

馬超

黃忠

趙雲

陳到

卷十

列傳五

龐統

法正

徐庶

董和

胡濟

欽定四庫全書

續後漢書
目錄

劉巴

卷十一

列傳六

許靖

麋竺

孫乾

簡雍

伊籍

秦宓

馬良

鄧芝

宗預

廖化

卷十二

列傳七

陳震

董允 陳祗 董恢

呂乂 杜祺 劉幹

楊洪 何祗

楊顯

姚伯 馬勲 馬齊

王謀 賴恭 恭子衣 何宗 習禎 殷觀

董厥 樊建

卷十三

列傳八

欽定四庫全書

續後漢書
目錄

四

劉封 孟達

彭義

廖立

李平 即李嚴

劉琰

馬謖

魏延

楊儀 兄慮

卷十四

列傳九

蔣琬 劉敏

費禕

李福

卷十五

列傳十

霍峻 子弋

王連

向朗 兄子寵

張裔

吳懿 族弟班

費詩

李朝

卷十六

列傳十一

欽定四庫全書

續後漢書
目錄

五

黃權 子崇

李恢

王平 句扶

呂凱 王伉

馬忠

張嶷

卷十七

列傳十二

姜維

張翼

王嗣

卷十八

列傳十三

楊戲

許慈 胡潛

孟光

來敏

尹默 李譔 陳術

邵正

卷十九

列傳十四

譙周 黃皓

卷二十

孝友

欽定四庫全書

續後漢書
目錄

六

列傳十五

李宓

孟宗

陳表

張範

卷二十一

忠義

列傳十六

金禕 耿紀 韋晃

吉本 本子遊 遊弟

魏諷

傅彤 子僉

諸葛瞻 子尚

程畿

嚴顏

杜德 秦旦 張羣

邵疇

常播

張悌

石偉

卷二十二

隱逸

列傳十七

管寧

張玗 胡昭

焦先

扈累 石德林

杜微

劉頴

欽定四庫全書

續後漢書
目錄

七

卷二十三

方技

列傳十八

李意其

周羣 張裕

吳範 魏勝

趙達

劉惔 葛衡

皇象

杜夔

馬鈞

朱建平

周宣 趙直

管輅

卷二十四

吳載紀一

孫堅

孫策

孫權

卷二十五

吳載紀二

孫亮

孫休

孫皓

孫登謝景

欽定四庫全書

續後漢書
目錄

孫和

孫靜張梁 緄瑜 皎 真

孫資弟輔

孫翊弟匡

孫韶

卷二十六

吳載紀三

劉繇

士燮

太史慈

朱治

卷二十七

吳載紀四

張昭子承休

顧雍子邵 邵子譚

諸葛瑾子恪 肅友

卷二十八

吳載紀五

張紘

步騭

嚴畯裴玄 程秉

閻澤唐固

薛綜

是儀

欽定四庫全書

續後漢書
目錄

胡綜

卷二十九

吳載紀六

周瑜

魯肅

呂蒙

卷三十

吳載紀七

程普韓富

黃蓋

蔣欽 徐威

周泰

陳武 子脩

脩弟表 董襲 凌統

甘寧

潘璋 丁奉

卷三十一

吳載紀八

朱然 施績

朱桓 子異

呂範 子據

賀齊 孫邵

卷三十二

欽定四庫全書

續後漢書
目錄

十一

吳載紀九

潘濬

吳岱 徐原

全綜 駱統

周魴

鍾離牧

留贊

卷三十三

吳載紀十

陸遜 子抗 弟瑁 族子凱

卷三十四

吳載紀十一

虞翻

張溫 暨範

韋昭

王蕃 樓玄

華覈

吾粲 朱據

滕胤

卷三十五

吳載紀十二

趙咨

沈珩

欽定四庫全書

續後漢書
目錄

十二

鄭泉

馮熙

陳化

李衡 谷利

卷三十六

魏載紀一

曹操

曹丕

曹叡 子芳 丕孫髦 操孫奂

卷三十七

魏載紀二

曹彰弟植 冲

曹仁

曹洪

曹休

曹真子爽

夏侯惇族弟淵 子尚 淵從 尚子玄

卷三十八

魏載紀三

荀彧

董昭

華歆

荀攸

賈詡

程昱

欽定四庫全書

續後漢書
目錄

十二

劉晔

蔣濟

卷三十九

魏載紀四

鍾繇

陳羣子泰

陳矯徐宣 衛臻

盧毓

杜畿子恕

鄭渾

卷四十

魏載紀五

王朗子肅

王弼

王粲徐幹 阮瑀 陳琳 應瑒 孔璋 劉楨

劉劭

衛覲

劉劭

傅嘏

崔林

楊俊

高堂隆

卷四十一

魏載紀六

崔琰

毛玠

欽定四庫全書

續後漢書
目錄

十三

鮑勛

徐邈

胡質

桓階

裴潛

梁習

司馬朗

卷四十二

魏載紀七

田疇

王脩

常林

和洽

楊阜

辛毗

卷四十三

魏載紀八

賈逵

蘇則

任峻

張既

杜襲

高柔

劉放

卷四十四

魏載紀九

張遼

無進

李典

張郃

龐德

許褚

典韋

文聘

呂虔

滿寵

田豫

郭淮

王凌

母丘儉

文欽

王昶

王基

鄧艾

義例

音義四卷

欽定四庫全書

續後漢書

十四

欽定四庫全書

續後漢書

十五

臣等謹案續後漢書四十九卷宋蕭常撰常

廬陵人鄉貢進士初常父壽朋病陳壽三國

志帝魏黜蜀欲為更定未及成書而卒常因

述父志為此書以昭烈帝為正統作帝紀二

卷年表二卷列傳十八卷以吳魏為載記凡

二十卷又別為音義四卷義例一卷於蜀志

增傳四十二廢傳四移魏志傳入漢十吳志

廢傳二十魏志廢傳八十九多援裴注以入

傳其增傳亦皆取材於注間有注所未及者

建安以前事則據范書建安以後則不能復

有所益蓋其大旨在乎書法不在事實也然其

義例精審頗得史法如魏吳諸臣本附見二

國載記之後而中有一節可名如孟宗陳表

等則別入孝友傳杜德張悌等則別入忠義

傳管寧吳范等則別入隱逸方技傳體實本

之晉書又曹操封魏公加九錫等事陳志皆

稱天子命公而此乃書操自為云云則本之

范蔚宗後漢書本紀其他筆削亦類多謹嚴

惟陳志先主傳稱封涿縣陸城亭侯而常於

昭烈紀但云封陸城侯陳志建安十四年魏

延為都督而常則云拔魏延為鎮遠將軍裴

注既無此語不知常何所本然常之所長不

在考証殆偶然筆悞非別有典據也常成此

書時嘗以表自進於朝所列但有本紀表傳

欽定四庫全書

續後漢書

十六

載記而無音義至周必大序始併音義言之

或成書之後又續輯補入歟乾隆四十四年

三月恭校上

總纂官臣紀昀臣陸錫熊臣孫士毅

總校官臣陸費墀

續後漢書原序

曹氏代漢名禪實篡特新莽之流亞丕登壇自形舜禹

之言固不敢欺其心矣今向千載人之好惡豈復相沿

而蘓軾記王彭之說以為塗巷談三國時事兒童聽者

聞劉敗則輦感曹敗則稱快遂謂君子小人之澤百世

不斬茲豈人力強致也與陳壽身為蜀人徒以仕屢見

黜父又為諸葛所髡於劉氏君臣不能無憾著三國志

以魏為帝而指漢為蜀與孫氏俱謂之主設心已偏故

欽定四庫全書

續後漢書

一

凡當時祫祭高帝以下昭穆制度皆畧而不書方見乞

米於人欲作佳傳私意如此史筆可知矣其死未幾習

鑿齒作漢晉春秋起光武終愍帝以蜀為正魏為篡謂

漢亡僅一二年則已為晉炎興之名天寶命之是蓋公

論也然五十四卷徒見於唐藝文志本朝太平御覽之

目逮仁宗時修崇文總目其書已逸或謂世亦有之而

未之見也幸晉史載所著論千三百餘言大旨昭然劉

知幾史通云備王道則曹逆而劉順近世歐陽脩議正

統不黜魏其賓客章望之著明統論辨之見於國史張

枻經世紀年直以先主上繼獻帝為漢而附魏吳于下方皆是物也今廬陵貢士蕭常潛心史學謂古以班固史為漢書范曄史為後漢書乃起昭烈章武元年辛丑盡少帝炎興元年癸未為續後漢書既正其名復擇注大之善者併書之積勤二十年成帝紀年表各二卷列傳十八卷吳載記十一卷魏載記九卷別為音義四卷惜乎壽疏畧於前使常不得追記英賢憲章于後以釋裴

欽定四庫全書

續後漢書
原序

二

松之之遺恨也昔周東遷寢以微弱至春秋時僅為王城而吳楚強大綿地數千里皆僭稱王聖人斷然以夷狄子之昭烈土地甲兵甚非周比興於漢中適與沛公始封國號同天時人事決非偶然孔子復生必有以處此乃為首探魏大當日之心次舉蘇氏百世之說以合習氏之論而證舊志之非作續後漢書序慶元六年庚申二月望少傅觀文殿大學士致仕益國公食邑一萬四千六百戶食實封五千四百戶周必大書

進續後漢書表

臣常言名義至重信古今之不渝書法匪輕雖毫釐之必計理不可易事固當然竊觀魯史之文仰識宣尼之志盟會所列敢辱天子之尊王人雖微必敘諸侯之上偕如吳楚爵不過子盛若威文號止稱侯蓋天常尊地常卑轉移不可譬履雖新冠雖敝顛倒弗容載惟聖經筆削之言深疾史氏抑揚之謬彼妄肆一時之意蓋莫如三國之書既紀曹而傳劉復貶漢而為蜀以鬼蜮之

欽定四庫全書

續後漢書
進書表

一

雄而接東京正統以高丈之胄而與孫權並稱徒知崇偽而黜真寧識尊王而賤伯不可以訓莫甚于斯是用質之古人揆之公議一切反之于正多言守之以中爰痛闢于淫辭庶少扶于名教恭惟皇帝陛下廣淵齊聖緝熙光明推太宗開卷有益之誠佩高廟放心莫收之戒每于經筵之暇及夫史學之傳獨全深識遠覽之明力主大公至正之道如臣末學為時鄙儒自幼承師法于先臣有志明天下之大義凡疑似是非之際必反覆

辨折其間名不假人斥垣衍帝秦之論物不失舊大少
康祀夏之功非固徇管見臆決之私直欲還天理人心
之正采諸儒之遺說更再世以成書小道或有可觀多
見其不知量僅足廁兔園之列詎敢追麟筆之餘藏名
山副在京師論次愧十年之作閱書林幸乎東觀宴閒
裨乙夜之觀所有臣編次續後漢書紀表列傳載記總
計四十二卷謹繕寫成八冊隨表上進以聞臣常誠惶
誠恐頓首頓首謹言

欽定四庫全書

續後漢書
進書表

二

欽定四庫全書

續後漢書卷一

宋 蕭常 撰

帝紀一

昭烈皇帝諱備字玄德景帝子中山靖王勝之後也勝
子貞元朔二年封陸城侯因家於涿郡祖雄舉孝廉官
至東郡范令父弘亦仕州郡昭烈生於桓帝延熙四年
少孤與母販履織席自給舍東南有桑高五大童童如
車蓋或謂當出貴人昭烈與諸兒戲桑下曰吾當乘此

欽定四庫全書

續後漢書
卷一

一

羽葆車叔父子敬謂曰世妄言族矣年十五母使行學
與同宗劉德然遼西公孫瓚師事故九江太守同郡廬
植德然父元起給其貨用與德然等元起妻有難色元
起曰吾宗有此兒非常人也而瓚亦與友善昭烈不甚
樂讀書喜狗馬音樂美丰儀身長七尺五寸垂手過膝
顧自見其耳寡語言善下人喜怒不形於色好交豪俠
年少爭附之中山大賈張世平蘇雙等貨累千金見而
異之多遺之金以故得合其衆靈帝中平元年黃巾賊

帥張角起魏郡遣八使假善道以化天下陰相連結自稱黃天分三十六部部各萬人一時俱發天下響應州郡各舉義兵昭烈帥其屬從校尉鄒靖討黃巾有功除中山安喜尉其後有詔罷免軍功為吏者昭烈亦在遣中頃之大將軍何進遣都尉毋丘毅募兵丹陽昭烈與俱至下邳遇賊力戰有功除下密丞復去官中平末至京師會董卓之亂義兵起昭烈亦聚眾從討卓後為高唐令縣為賊所殘往奔幽州公孫瓚瓚表為別部司馬使與青州刺史田楷拒冀州牧袁紹數有戰功試守平原立領平原相郡人劉平素與昭烈有隙耻為之下結客刺之客不忍語之而去歲大饑民苦鈔暴昭烈外禦寇難內振貧乏士之至者必與同席而坐同器而食眾多歸焉北海相孔融屯都昌為賊管亥所圍遣太史慈來告急昭烈曰孔北海知世間有劉備耶即遣精兵三千赴之賊尋解散袁紹攻公孫瓚昭烈與田楷東屯齊獻帝初平四年曹操攻徐州陶謙遣使告急於楷楷與

昭烈救之時昭烈有兵千餘及幽州烏丸雜胡騎又得饑民數千人既至謙以丹陽兵數千益之昭烈遂去楷歸謙謙表為豫州刺史屯小沛興平元年春操引兵還夏操復遣荀彧程昱等攻豫州昭烈為彧等所敗冬謙病篤謂別駕麋竺曰非劉玄德不能安此州謙卒竺帥州人迎昭烈昭烈固辭典農校尉下邳陳登進曰漢室陵遲海內傾覆立功立事正在今日此州殷富戶口百萬欲屈使君撫臨之昭烈曰袁公路近在壽春此君四世五公海內所歸宜以州與之登曰公路驕豪非治亂之主今欲為使君合步騎十萬上可以輔主濟民成五伯之業下可以割地守境書功竹帛惟使君幸聽登言孔融亦謂昭烈曰袁公路豈憂國忘家者耶家中枯骨何足介意今日之事百姓與能天與不取悔不可追昭烈遂領徐州陳登遣使以奉昭烈之意告袁紹紹曰劉玄德弘雅有信義今徐州樂戴之誠副所望也二年二月董卓餘眾李傕郭汜相攻三月李傕脅天子幸其營

四月郭汜攻李傕傕移天子幸北塢張濟自陝來和傕
汜秋七月車駕東歸楊定董承等侍送八月至新豐冬
十月郭汜遣兵來逼乘輿楊定楊奉與戰破之十一月
傕汜等追乘輿戰于東澗王師敗績車駕幸曹陽楊奉
董承引韓暹李樂等帥師奉迎與傕等戰破之十二月
車駕乃進傕等復來追王師大敗進幸陝北渡河至安
邑是歲孫策始據江東

建安元年五月改元夏袁術來攻昭烈使司馬張飛守

欽定四庫全書

續後漢書
卷一

四

下邳自將拒術於盱眙淮陰相持累月下邳相曹豹陶
謙故將也與飛相失飛殺之城中共胤術與呂布書勸
令襲下邳布即引軍東下中郎將丹陽許耽反迎之飛
敗走昭烈失其孥轉軍海西遣使與布連和布亦憤術
轉餉不繼乃召昭烈還其孥復以為豫州刺史與并力
擊術昭烈屯小沛秋七月車駕至雒陽曹操表昭烈為
鎮東將軍封宜城亭侯八月操自領司隸校尉錄尚書
事操殺侍中臺崇尚書令馮碩等以衛將軍董承為輔

國將軍庚申天子遷都于許冬曹操自為司空百官總
已以聽袁術遣其將紀靈等步騎三萬復來攻昭烈求
救于呂布布帥步騎千餘來援靈等聞布至皆斂兵布
要靈等與昭烈釋憾遂各解去昭烈合兵復得萬餘人
布術之自來攻昭烈復敗因詣曹操操厚遇之表為豫
州牧與俱至沛收散卒給其糧益與之兵使東擊布
二年春袁術僭號于淮南秋曹操大敗之術走渡淮韓
暹楊奉寇掠徐揚間昭烈要擊盡斬之

欽定四庫全書

續後漢書
卷一

五

三年夏呂布復與袁術通使其中郎將高順騎都尉張
遼來攻曹操使夏侯惇來救不利九月順破沛城昭烈
脫身去復失其孥十月曹操自引兵助昭烈圍布於下
邳禽之昭烈復得其孥從操還許操表為左將軍是歲
天子遣謁者裴茂帥諸將誅李傕夷三族郭汜為其將
伍習所殺

四年夏袁術欲繇徐州北從袁紹曹操遣其將朱靈從
昭烈要擊之程昱郭嘉聞昭烈行言於操曰劉備不可

縱操悔追之不及昭烈之未東也與帝舅車騎將軍董
承偏將軍王服吳子蘭越騎校尉种輯等受天子衣帶
中密詔誅操操未之知從容謂昭烈曰今天下英雄惟
使君與操耳本初之徒不足數也昭烈謂事泄方食失
匕箸時適雷震因謂操曰聖人云迅雷風烈必變良有
以也一震之威乃至是耶遂與承等合謀會東出未至
街病死昭烈遂據下邳朱靈等還昭烈乃殺操徐州刺
史車胄留關羽守下邳身還小沛郡縣多叛操為昭烈
守有衆數萬遣孫乾與袁紹連和操使其將劉岱王忠
來攻昭烈大敗之

五年春董承等事覺曹操殺承等夷其族操欲自來攻
其下皆曰與公爭天下者袁紹也今棄紹而東若何操
曰劉備人傑也今不擊必為後患袁紹雖有大志而見
事遲必不動也遂來攻昭烈敗績操收其孥并獲關羽
以歸昭烈趣青州青州袁譚昭烈故茂才也將步騎來
迎因至平原譚馳使白紹紹去鄴二百里奉迎父子傾

心敬之月餘所失亡士卒稍稍來集曹操與紹相拒於
官渡汝南黃巾劉辟等叛操應紹遣辟等從昭烈徇
許下關羽來歸操使曹仁等來拒昭烈還紹軍知紹無
成陰規去計乃說紹南連荊州牧劉表昭烈遂將其兵
至汝南汝南賊龔都帥衆降合數千人操使其將蔡揚
來攻昭烈大破之臨陣斬揚是歲紹與操相持于官渡
紹軍大潰孫策卒弟權襲其業

六年春昭烈頓軍汝南秋曹操來攻昭烈遣糜竺等與
劉表相聞表郊迎之待以上賓之禮益其兵使屯新野
荊州豪傑歸之日益多表疑焉使拒夏侯惇于禁等於
博望久之昭烈設伏偽遁惇等追之大為伏兵所破昭
烈嘗於表坐起如廁顧見其髀裏肉生慨然流涕還席
表怪問之昭烈曰平時身不離鞍髀裏肉消今不復騎
髀肉遂生日月若馳老將至矣而功業不建是以悲耳
七年夏袁紹卒其子譚尚相攻
九年秋曹操破袁尚自領冀州牧